



Broj:
Sarajevo, 21.12.2023. godina

Na osnovu člana 47. Zakona o radu ("Službene novine Federacije Bosne i Hercegovine", broj: 26/16, 89/18 i 44/22), člana 10. Odluke o platama i naknadama u organima Grada Sarajeva ("Službene novine Kantona Sarajevo" broj: 4/23), članova 11. - 16. i člana 33. Pravilnika o radnim odnosima državnih službenika i namještenika u organu uprave Grada Sarajeva i stručnim službama Grada Sarajeva broj: 01/04-30-2260/23 od 27.02.2023. godine, i člana 49. Poslovnika Gradskog vijeća Grada Sarajeva ("Službene novine Kantona Sarajevo", broj: 28/09, 11/20 i 19/20), Administrativna komisija Gradskog vijeća Grada Sarajeva, donosi:

Radni materijal

RJEŠENJE

o korištenju preostalog prvog dijela godišnjeg odmora za 2023. godinu

1. Ovim Rješenjem reguliše se nastavak korištenja prvog dijela godišnjeg odmora za 2023. godinu Benjamini Karić, gradonačelnici Grada Sarajeva.
2. Imenovana će preostalih 7 (sedam) radnih dana prvog dijela godišnjeg odmora za 2023. godinu koristiti u periodu od 18.12.2023. godine do 19.12.2023. godine i u periodu od 25.12.2023. godine do 29.12.2023. godine.

O b r a z l o ž e n j e:

Pravni osnov za donošenje rješenja sadržan je u članu 47. Zakona o radu ("Službene novine Federacije Bosne i Hercegovine", broj: 26/16, 89/18 i 44/22) u kojem je propisano da uposlenik, za svaku kalendarsku godinu, ima pravo na plaćeni godišnji odmor u trajanju od najmanje 20 radnih dana. Članom 10. Odluke o platama i naknadama u organima Grada Sarajeva propisana je nadležnost Administrativne komisije.

Godišnji odmor je pravo i obaveza da se iskoristi u toku kalendarske godine. Godišnji odmor može se koristiti u dva dijela, s tim da se prvi dio godišnjeg odmora koristi bez prekida u trajanju od najmanje 12 radnih dana, a dugi dio najdalje do 30. juna naredne godine.

Rješenjem o utvrđivanju i korištenju godišnjeg odmora za 2023. godinu broj: 04-GV-02-966-1.1/23 od 26.06.2023. godine i Rješenjem o izmjeni Rješenja o utvrđivanju i korištenju godišnjeg odmora za 2023. godinu, Gradonačelnici Grada Sarajeva je utvrđeno pravo na godišnji odmor za 2023. godinu u trajanju od 27 radnih dana. Naprijed navedenim rješenjima predviđeno je da imenovana koristi godišnji odmor u dva dijela, s tim da prvi dio u trajanju od 12. radnih dana koristi u periodu od 06.11.2023. godine do 21.11.2023. godine. Uzimajući u obzir da je imenovana u periodu korištenja prvog dijela godišnjeg odmora upućena na službeno putovanje, pristupilo se donošenju Rješenja o prekidu korištenja prvog dijela godišnjeg odmora za 2023. godinu dana 10.11.2023. godine kojim aktom je ujedno određeno da će imenovana preostalih 7 radnih dana koristiti kada se za to steknu uslovi.

Aida Bajramović, sekretar organa uprave Grada Sarajeva, obavijestila je Administrativnu komisiju Gradskog vijeća Grada Sarajeva da Gradonačelnica Grada Sarajeva ima namjeru koristiti preostalih sedam radnih dana prvog dijela godišnjeg odmora za 2023. godinu u periodu od 18.12.2023. godine do 19.12.2023. godine i od 25.12.2023. godine do 29.12.2023. godine, navodeći da je ovakav način korištenja godišnjeg odmora rezultat službenog odsustva Gradonačelnice u periodu od 20.12.2023. godine do 22.12.2023. godine.



Uzimajući u obzir da su se stekli uslovi za nastavak korištenja preostalih sedam radnih dana prvog dijela godišnjeg odmora za 2023. godinu, Administrativna komisija Gradskog vijeća Grada Sarajeva rješila je kao u dispozitivu.

Pouka o pravnom lijeku:

Protiv ovog rješenja imenovana ima pravo izjaviti žalbu Komisiji za drugostepeno upravno rješavanje Gradskog vijeća Grada Sarajeva, u roku od 15 dana od dana prijema Rješenja.

Predsjedavajući Administrativne komisije

Jasmin Ademović

Dostaviti:

- Imenovanoj,
- Gradskoj služba za finansije,
- Personalni dosje.

Hava Pandžić

Pošiljatelj: Aida Bajramović
Poslano: četvrtak, 21. decembar 2023. 13:41
Prima: Gradsko Vijeće Sarajevo - pisarnica; Senada Sušić; Mirjana Stanić
Predmet: RE:

Poštovani,

Ovim putem dostavljam tačan period nastavka korištenja prvog dijela godišnjeg odmora gradonačelnice Grada Sarajeva, na način da će se isti koristiti počev od 18.12.2023. – 19.12.2023. godine i počev od 25.12.2023. – 29.12.2023. godine (ukupno sedam radnih dana).

Ovakav način korištenja rezultat je službenog odsustva Gradonačelnice (od 20.12. – 22.12.2023. godine).

Srdačan pozdrav!

Aida Bajramović
Sekretar organa uprave



Grad Sarajevo

+387 33 292 821

aida.bajramovic@sarajevo.ba
www.sarajevo.ba

Brodac br. 1
71000 Sarajevo
Bosna i Hercegovina

From: Aida Bajramović
Sent: Wednesday, December 20, 2023 2:01 PM
To: Gradsko Vijeće Sarajevo - pisarnica <pisarnica@sarajevo.ba>; Senada Sušić <senada.susic@sarajevo.ba>; Mirjana Stanić <mirjana.djanovic-stanic@sarajevo.ba>
Subject:

Poštovani,

Ovim putem Vas obavještavam da će gradonačelnica Grada Sarajeva prvi dio korištenja godišnjeg odmora nastaviti koristiti počev od 25.12.2023. godine.

Srdačan pozdrav!

Aida Bajramović
Sekretar organa uprave